



# 中國大運河歷史文獻集成

65

主編 王雲 李泉

國家圖書館出版社



壩隔截沙灘壩東舊渠衝壞應東移數丈別開新渠一道長一百一十八丈導入舊渠其舊渠自土地廟以下由廠城至城濠間段疏濬即可一律深通又木槽村西及廠城西南乾河溝二處應各築小石壩攔截俾無旁洩如此經理則水到之處不獨田疇疏圃均資利澤而繞郭深池亦符體制似應籌估工料修復舊規臣幸同該州詳加勘度所有應建石壩一座計長十七丈底寬八尺頂寬三尺高六尺又木槽村西小石壩一座長三丈四尺廠城西南小石壩一座長二丈六尺均底寬八尺頂寬三尺高六尺計石壩大小三座除將舊石添用外共估工料銀一千九百

續行水金鑑卷九十二 運河水三

六十一兩應開應濬渠道共長五里八分估工價銀八百三十二兩通共需銀二千七百九十四兩查清河道庫貯有滹沱河積存歲修生息一項節次撥用尚存銀四千四百六十餘兩請在此項內動撥飭發興修事竣造冊報部核銷其各子渠聽民間酌量地畝多寡自行挑挖引溉官為督率辦理 畿輔水利四案 是年浚烏程長興二縣溝港 朝通志

續行水金鑑卷九十二終

續行水金鑑卷九十三

運河水 章續二十一

乾隆二十八年正月十六日方觀承奏天津東南受靜海窪泊並海河倒漾之水向藉縣東五閘宣洩今何家園灰谷堆白塘口三閘海河已低數寸現在開放其大閘口賀家口二處海河尚高一尺俟減低寸許亦可開放現澗之四十七村莊俱經種麥接壤之寶坻寧河視海河為長落海水減寸即內水減尺情形與天津相似其河開獻縣青縣任邱大城積水有阻官隄者有阻鄰境者皆權其輕重破其吟城之見率同府縣親度地勢或暫為開隄排放或入於溝渠案

續行水金鑑卷九十三 運河水 一

內勘定章程以除水患上年開溝疊道未竟之工現俱接辦田間溝洫即次第經理 畿輔水利四案 是月二十六日又奏天津西沽疊道即運河西隄為通京大路自天慶寺北至桃花口此二十三里東臨運河西阻大淀淀漲輒漫溢道上與運河相連兼以風浪排激雖屢加培築簽椿護埽終難抵禦蓋汛漲水盈有湮無洩勢必蓄隄為患故西沽舊建石橋一座大小木橋三座原使河淀相通旋水大則洩之入運運水大則洩之入淀而西沽以北曾無一橋連流今疊道已修復舊規必須多添橋座如趙北口至十方院疊道情形乃為合宜臣將疊道兩邊水勢逐加

相度應於天慶寺北建三空木橋一座格淀隄頭建五空木橋一座西沽板橋北建五空木橋一座唐家灣汛房東南建七空木橋一座王家莊北建五空木橋一座桃花寺茶棚南建五空木橋一座桃花口南建五空木橋一座又石橋之南舊木橋應添雁翅橋木貼板並疊道尙有增高加夯等工共估工料銀五千三百四兩零先後報

聞  
鐵輔水  
利四案

是月高晉奏臣等敬奉

聖訓將西灣壩落低於汛前辦竣其金灣河應行展寬挑深併六閘改建石壩各工擬俟汛後贖辦臣於霜

續行水金鑑卷九三  
運河水

降後會同督撫鹽臣將金灣河等工於附近廳營州

縣內遴委承修各員於上年十二月初一二等日陸

續依限報完臣親往驗收按原估丈尺段落併上下

形勢細加確核金灣引河河底俱一律挑寬十丈面

寬自十餘丈至二十餘丈不等迤下地勢稍仰亦皆

挑深自二三尺至六七尺連前深一丈餘尺至二丈

餘尺不等形如建瓴將來水由董家溝歸江可期暢

達其金灣南二閘改建石壩寬三十丈其壩脊高下

即照西灣滾壩落低四尺並築隄挑渠由芒稻河歸

江各工均如式辦理復查芒稻河舊設十閘向例冬

春開板夏秋酌定水誌啟板續於乾隆二十三年尙

書嵇璜奏明鹽船由舊越河直達金灣北閘將芒稻

閘常川開放如遇水小卽在芒稻閘迤東築壩蓄水

直至汛水長發方始開放今金灣南二閘業改建石

滾壩照西灣滾壩一律落低壩下引渠又經加挑寬

深與前不同是伏秋大汛已暢洩無阻而冬春水小

又應因時制宜酌量變通再四熟籌冬春之際與其

在芒稻閘迤東築壩蓄水不獨多費錢糧且啟拆時

壩底稍有未淨轉礙宣洩嗣後應將芒稻閘每年冬

春水小酌量下板數塊於農田灌溉鹽船運行兩有

裨益交夏汛水將發卽全行開放於宣洩盛漲仍不

致阻礙從此操縱由人相機啟閉則水小水大均資

利賴矣  
南河  
成案

續行水金鑑卷九三  
運河水

二月初一日莊有恭奏揚州高寶興泰等州縣下河

節年被淹仰荷

皇恩准將高郵南關車邏等壩封土三尺又於金灣壩

下加挑新河分流暢洩下游州縣俾免西來水患惟

來源既杜而本地積潦之區亦當籌其去路乾隆二

十六年五月經高晉陳宏謀與司道等審度形勢請

將泰州丁溪小海二閘引河疏通深通再開一引河

匯入王家港歸海又將鹽城阜寧境內上岡草堰陳

家衝三閘各引河疏通亦開一引河匯入射陽湖歸

海俾積水早消飭淮揚河道等督同淮揚二府併分

委佐雜各員勘估議詳尚未辦理臣復查案行催茲據吳嗣爵等會同各司道詳覆此案工程應先將開下引河挑濬深通再為閘上引河之計現據覆估鹽城阜寧泰州境內共估需銀八萬九千四百二十七兩七錢七分其開工程多係裁灣取直順流歸海之道按照估冊確核無浮酌議委派工員另詳飭辦所需銀兩請於運庫正款銀動支給發併聲明上岡草堰二閘金門雁翅及兩牆石塊脫落俟挑河築壩時確估另詳今造冊請題到臣查丁溪小海上岡草堰陳家衝等五閘引河自乾隆二十二年挑濬自駒青龍等閘引河時前項河道尚可通流是以列入緩工

續行水金鑑卷九十三

運河水

四

未及挑濬年來水漫沙停竟成平陸一經漲潦四面漫溢自應妥協辦理早為挑濬惟查江南地方春深每多雨水如俟部覆興工誠恐有稽時日請酌動五分銀兩容臣與督河二臣委員分定段落領銀價辦餘俟部覆到日再行給發臣於明年正月上旬自浙江查勘海塘回江即前赴淮揚二府工所督率指示以速要工

南河  
成案

是月初八日方觀承奏臣上月具奏文安疏消積水情形奉

硃批甚是但去冬何不早疏今再不可遲矣近日所消幾分並宜隨時奏來欽此臣查各屬積水於開挑溝洫

案內行令州縣將境內高原下隰古河舊渠繪圖申送其中窪地停潦本不甚多者入冬以來已自行消涸餘皆就近導歸溪河淀泊是以一交春融即補種春麥惟文安大城天津靜海寶坻濱海臨淀非海水澆水減退則內水不能外洩幸上年淀漲易落如文安大窪在西為頭隄開溝九道自九月至今已分洩十之五六現向過水向前內外水平文大兩縣俱用水車一百數十具上緊輪戽剩水一二尺之區即可同霸州安州一例種稻此時地氣開通正值澆水上泛一過清明即當頓落文大等處積水可望大減至津靜一帶較上月又減尺許幸其地以漁葦為業故

續行水金鑑卷九十三

運河水

五

津軍同知所屬皆以漁葦徵課現在魚利甚旺斤魚值錢五文民頗藉以營生再河天兩府屬吳橋寧津南皮鹽山慶雲境內之老黃河上承東省四女寺哨馬營兩處引河分減運漲上春挑濬水過開段又淤臣專委河廳二員會同各縣逐段查勘直抵東省海豐樂陵所有淤嘴七處及葦草盤結淤阻並流沙之處現在責成所立渠長派撥附近認管村民一律挑濬深通以暢河流兼消積水

畿輔水  
利四案

是月十一日

命江西道御史興柱浙江道御史顧光旭山東道御史永安刑科給事中溫如玉往天津靜海文安大城等

處查勘 畿輔水利四案

是月十九日

諭曰畿輔一帶去年秋霖過多窪下之區現在設法疏消以利東作因思海河為積水委輸之尾閘而地方官或拘於成例僅將五閘宣洩不肯推廣籌辦多開壩口以為金底抽薪善策著協辦大學士公兆惠速馳驛前往帶同鹽政達色知府周元理悉心確勘情形有應行增開之口即一面奏聞一面辦理務期去路疏暢水消之後補築口門即不無所費而利民實多不必稍為瞻顧也 尋兆惠奏津屬地窪日久潦存自滄州青縣靜海而下皆然運河水以場河淀為歸宿其東南視海

續行水金鑑卷九十三 運河水

六

為長落五閘水高於海河五六七八寸不等大閘白塘河舊口寬賀家口何家園灰谷堆三閘下注未暢應濬新開溝六道惟北塘東口已涸餘宜加寬疊道河岸高低不一應濬溝與河淤處宜開挖潮汛亦宜防仍設板派兵司啟閉共新舊閘十五處足資疏消

四月可全涸報

是月二十七日

諭曰據葉存仁奏河南各屬挑濬河道溝渠俱一律寬深是豫省水利工程已著成效直隸連年積水未消雖多方宣洩終不如豫省之妥善從前河南疏濬河工皆

係侍郎裘日修協同辦理此時裘日修服制將闕著即馳驛來京督辦直隸水道溝渠事務 畿輔水利四案

是月與柱顧光旭奏臣等於十二日由京起程臣永安溫如玉前往天津靜海等處臣與柱顧光旭前往文安大城等處查文安西南各村地勢稍高現已播種二麥東北一帶最窪積水未消臣等坐舟逐一查勘計長四十餘里寬三十餘里其湧水村莊雖有涸出積水自一二尺至四五尺不等現從艾頭村園堰挖口五處放水歸入淀河相其形勢積水高於淀河一尺有餘暢流無滯將來水勢漸平即須人力屏撤以冀消涸惟西馬頭隄湧口計長四十餘丈河水與

續行水金鑑卷九十三 運河水

七

積水內外兩平既不能資其宣洩又恐河水轉多灌入急宜堵築據文安知縣稱業經督臣方觀承派員會同辦理臣等即飭該縣備辦工料一面行移布政使觀音保檄飭該委員等堵築刻期告竣臣等即馳赴大城是縣居文安之東南地勢高於文安其城之西北尹四岳等二十二村積水三十餘里寬二三里不等接連文安大窪亦由文安之艾頭村缺口宜流入淀而大城居文安之上游文安之水漸消即大城之水先落應俟艾頭缺口水勢將平之候於文大兩縣多設水車合力濬涸則早涸處所可種秋禾水一二尺者尚可種稻其城外周圍所餘積水現已開溝

宣洩至霸州保定臣等沿途留心察看水涸處所無  
誤春畝偶有閒段積水尙易消涸已飭該州縣等儘  
力疏濬趕種秋禾一面前往寶坻寧河等處分路查  
辦奉

諭此事方觀承派員籌畫未免稍遲現在正當加緊董  
辦昨兆惠奏報海河大開口至鹹水沽等處添開溝道  
事宜並稱一面往勘文安大城一帶想此時正可到彼  
督率該御史等勉期將事但一切雇夫需費最關緊要  
若俟移知方觀承會同經理則恐緩不及事前已有旨  
分撥部庫銀二十萬兩解交天津備用該御史及鹽政  
所辦工程應需若干卽於庫銀內先行酌量分給俾得

續行水金鑑卷九十三 運河水

八

及時集事其支領仍歸地方官覈實報銷以免稽遲至  
海河新增洩水溝道日來是否較前大暢內地積水現  
在涸退尺寸與布種分數多寡之處仍卽回勘明確詳  
細奏聞以慰懸切

畿輔水利四案

是月兆惠覆奏靜海青縣積水宣消計日盡涸霸州  
水退地畝無不種蒔大城文安水較大村莊未涸出  
者甚多下流現開口引放布政使觀音保同御史與  
柱顧光旭堵築上游漫口以絕河水倒漾趕於二十  
九日合龍惟河流久溢堵塞已遲臣現於艾頭村等  
處缺口相度應行開溝處飭知府周元理辦理並令  
逐日報放若干由臣轉奏各工酌給庫銀並知會御

史鹽政一律辦理得

旨竟遲了今惟有竭力速行疏導以望多涸耳

畿輔水利四

是月永安溫如玉奏臣等查勘窪地積水由天津以  
南分路馳赴河天府屬州縣沿途相視地形水勢查  
訊宣洩事宜正在籌辦臣永安行文慶雲臣溫如玉  
行次南皮均於二十三日接准協辦大學士公兆惠  
寄信前來臣等卽回津將日擊上游情形告知統俟  
兆惠通查文大等處辦理查天津爲衆水尾閘西北  
大清河一帶接連武清南境淀泊本係水鄉上年雨  
水過多至今停積西南上承靜海獨流老淀等處爲

續行水金鑑卷九十三 運河水

九

滄景交河青縣諸屬下游城東南又匯聚靜海北鄉  
窪泊疏導之法總隨海水長落爲遲速入春以來晴  
明日多海河消納較速現已漸退北面城南舊有五  
閘洩水其衝刷成溝處飭令各縣疏通業已開有六  
道又據兆惠等勘明改建開口添溝四道完工水勢  
可消但逐日風汛潮汛啟閉緊要必須地方官不時  
察看已嚴諭勿懈其靜海西北兩鄉因津水日減涸  
出地畝甚多前據該縣於賈口橫隄等處開溝六道  
又加催督於辛莊羅家堂等處添溝三道青縣止有  
魚莊窪十里窪兩處積水舊有鮑家嘴口門達南運  
河其浸口下游由子牙新河歸天津紅橋入海餘處

地畝盡皆涸出滄州東南積水歸大連淀東北一帶  
村莊有減水河及母猪港等處分洩均不致侵占地  
畝鹽山慶雲附近老黃河宣惠河積水易消南皮惟  
范家隄附近低窪現已開畝涸出至各屬早麥均已  
滋長補種春麥亦漸次出土其新涸之地並靜海沙  
薄地畝有不宜種麥者將來或種大田或種雜糧均  
可無誤臣等現由武清周回察勘將來水勢涸涸隨  
時奏報得

旨盡心查察莫辭勞苦勉之畿輔水利四案

是月顧光旭又奏臣同興柱已將文安隄辦竣隨分  
勘沒水之區涸出種麥者十之六七香河寶坻寧河

續行不金鑑卷九十三 運河水

水已全消豐潤玉田開挖東西岔河於黑龍河尾挖  
溝水深處尙二尺現辦水車屏撤期於三月全消俟  
查滄州樂亭回仍沿途驗水消退尺寸奏聞得

旨嘉獎畿輔水利四案

三月初三日以兆惠覆奏天津等處積水消退

論上年近京低窪之地如天津文安大城等屬因被秋  
霖積水未涸已屢諭方觀承飭屬設法疏消毋任因循  
在方觀承督理賑務於水利事宜或不能一時兼顧亦  
當及早相度議奏朕何難派員專董其役以利農功昨  
因海河五閘宣洩未暢特命兆惠前往督率經理各邑  
積水即按日以次消減前此地方官設能如此從事何

至遲延非按例示懲曷以重封疆勤民瘼耶方觀承著  
交部察議畿輔水利四案

是月十六日兆惠方觀承奏文安大城等九州縣于  
里長隄前經奏照代賑工程辦理雄縣新安霸州三  
州縣已經完工任邱高陽安州保定下月均可告竣  
惟文安蘇家橋起至大城馬村關止長一萬九千六  
百二十八丈四尺向係民修候至夏初淀水大落就  
近取土今隄身內外水浸過甚若汛前不能涸出有  
土恐致遲緩臣等詳酌除有處取土民力易辦之工  
長八千六百二十九丈五尺共估土二十萬六千二  
百三十二方仍照代賑工程辦理其餘遠處取土之

續行不金鑑卷九十三 運河水

早方長二千六百九十六丈估土六萬九千一百五  
十八方水中淤泥工長八千三百一十二丈九尺估  
土二十二萬七千八百三方按照成規早方每方銀  
一錢外加夯礮銀三分六釐六毫水方每方銀二錢  
該處土性膠埴無庸夯礮共需銀五萬五千七百零  
仰懇

天恩准按方給價即於存貯天津道庫銀二十萬兩內  
動撥派員分段承修交天津清河二道督率趕辦務  
於汛前完竣查文安附近河淀村民慣能入水挖土  
有踴躍蒞之名應即令此等貧民赴工力作既用其  
長兼藉養贍較之工賑常例更爲優渥畿輔水利四案

是月十七日又奏臣等於本月初七日自黃新莊起身初九日至文安蘇家橋查得文安地形東西南三面俱高於積水窪地惟東北一帶卑削可以瀉水前經兆惠指示知府周元理於龍潭灣等處開挖隄口隨據該府挖口四處並自行相度添開六處連前共開隄一十四口臣等逐口查驗每口寬二三丈四五丈計龍潭灣至艾頭村十餘里中約開隄口四十餘丈俱屬暢流卽有一二不甚流駛亦俱水從外放該府周元理業經預備物料臣等又令其加埽裏頭如遇淀水一平立時堵塞一面差員四處沿水探驗近日退出地畝各處水脈深淺不同其莊地亦多寡不

續行水金鑑卷牛三

運河水

五

一據報文安各水邊退出地一二丈至二十丈不等大抵等大城各水邊退出地一二丈至二十丈不等大抵文安大城相連積水境面過寬不能驟減此時察看淀水日落清水汛漲尙早則夏至以前節次宣洩自有成效地方官所備水車一百五十具應俟內外水平用車戽放以消窪積臣等於十二日由勝芳淀至天津次早閱看城南水勢凡新舊溝開十五處內惟陳唐莊白糖東口二溝已經流涸無庸開放此外各口溜水暢注宣洩甚駛津南之水除黃花泊柳淀窪坡水窪等處地勢過低原係淀址現在所有村莊積水已消十之六七下剩餘潦計日可涸此時新涸之

地或水氣未淨不能著足耕鋤尙須乾燥後翻土至可以舉趾者俱已翻犁停當今年津境大田必能普種臣等面交鹽政達色帶同知府周元理俟津屬積水一消卽查看各道溝閘有足資宣防者務必及時估修以重啟閘均奉

俞旨  
續補水  
刑四案

四月初八日方觀承奏查文安大窪自上月初旬以來所有洩水各溝道據周元理稟稱惟龍潭灣內外水平已用埽堵閉其餘各口照舊宣洩並於陶官營排立水車晝夜戽消計二十餘日窪內落水尺許東面之得歸村土橋村灘里村涸出地十三頃西面

續行水金鑑卷九三

運河水

五

之魯代莊孔家務急流口豐臺頭涸出地十八頃南面之寇里村太平洲曹家莊龍街村涸出地十九頃俱已播種向前正值淀水大落尙可望其減退卽閉溝口仍可開放涸出地畝均能趕種晚禾其不能盡涸而水在一尺以下者於五月內種稻插秧尙爲及時大城與窪水相連之二十二村內如管子頭小荆河九村莊窪邊水退各數十丈皆有涸地現已借給籽種陸續開耕至文大長隄工程計水中淤泥工長八千三百餘丈施工既難爲期已迫臣派府州縣廳七員分段趕辦令清河道撥義署天津道周元理駐工督率計用小船一千五六百隻夫萬名半爲文大

災民咸得趨工食力至天津南窪正東東南地近關口者俱已涸出惟正南西南兩面尚水深四五寸至一尺二寸各關口仍前暢洩除淀泊外其餘地畝約夏至前俱可耕植惟連年積澇魚蝦產子必多水涸日蒸恐變蝻子已通飭各屬預防點用所設護田門夫依門牌戶並多派員役於荒窪草蕩加意巡查以收有備無患之益續補水

是月十一日張師載奏臣於本月初三日自濟起身沿途查勘各關塘水勢充暢運行迅速其上河廳李海務關拆修工程均經完竣臣親加驗收俱如式堅固前因臨清關外每年伏秋漳衛水漲泥沙倒灌易

續行水金鑑卷九十三 運河水 四

淤塘河經臣籌勘奏明於板關外西岸建築挑水壩一座以挑漳衛大溜節經汛漲並無倒灌淤墊著有成效但該壩已築三載柴土墊陷根底漸朽難期堅穩况漳河上游臨漳縣沙莊分流之處今歲新築大壩漳河別無分減盡歸東省衛河則臨清關外挑水一壩尤為緊要必須接長數丈其墊爛者概令拆修即飭道廳確估歸入本年搶修案內辦理務於汛前完竣一律高厚堅實庶挑溜更為得力再衛河兩岸民堰凡有卑矮殘缺早經會同撫臣令州縣廳汛等官撥夫幫培高厚如有河勢頂衝工段則於隄根鑿壩預為防護內有沙灘淤嘴阻礙飭令汛員督夫抽

挑引渠將來水長即可刷去至德州之西方庵近因河勢刷灣漸逼城垣經臣會同阿爾泰勸議奏明另開引河一道以分其勢仰荷

聖明俞允當令該廳州領帑趕挑今赴工查驗所挑引河已有九分不日告竣但該處情形引河開後舊河仍然灌水一至汛漲恐西方庵險工不能盡除莫若將舊河口門添築攔河大壩一道截流全歸引河庶溜勢湍注更易衝刷寬深現飭該廳州上緊趕辦築壩即可一面放水應需工料仍於道庫節省項下動支彙案咨部估銷運河

是月二十四日方觀承奏臣至楊村侍郎裘日修自

續行水金鑑卷九十三 運河水 五

天津來臣於二十日同勘楊村廳筐兒港減河並商論直隸河渠意見相同因此時汛期將至不能徧勘施工表日修進京面請

聖訓臣即率同天津道赴文安大城查勘千里長隄新工清河道撥義駐工督率各員趕辦已有六分工程文大被水村民在水澇泥兩日得土一方每方工價二錢在工官弁互相稽查給發工價不假胥役之手民需實惠約五月半前可以完工至大窪之水已與泊水相平偶遇北風並虞倒漾溝口六處俱備葺壩臣逐一察看悉令堵閉月來窪水耗落一尺窪西涸出地百餘頃高處秋禾低處稻秧俱已藝種至河開

任邱瀝水在窪南廣安隄內開挑引河穿子牙河隄  
洩入榆錢窪不使大窪復有新水現交天津道督率  
大城縣趕辦務於汛前完竣先後報

畿輔水  
聞利四案

五月初八日

諭直屬勘理水利河渠端緒既紛地面亦廣表曰修一  
人不惟綜理為艱且會同方觀承籌辦地方有司不無  
各存畛域欽差與督臣和衷與否均難調劑因思阿桂  
已有旨留京工部事務暫令舒赫德署理所有一切疏  
濬修葺等事宜即著阿桂與表日修會同方觀承妥協  
相度酌辦則該督自無意見同異之嫌諸務並易就緒

續行水金鑑卷九十三 運河水

三

遇應回京時即照表日修之例仍赴部辦事如再應赴  
勘即將部務徑交與舒赫德兼攝辦理有應陳奏之事  
即具摺送行在奏進阿桂等不必前赴熱河不獨伊二  
人每事虛心商確共期集事即與方觀承亦不應略存  
形跡庶於水道民生均有裨益

畿輔水  
利四案

是月二十一日方觀承奏臣與布政司將辦過各工  
通查除上春因千里長隄無處取土暫停今春覆查  
文大二縣工段內有一萬一千餘丈應照土方定價  
改為帑工經兆惠會同臣奏准應將原估工賑銀米  
照數扣除其餘或於原估工段外續有油刷停淤應  
行接修展濬或係前未估報因籌辦積水應將古河

舊渠疏導兼須培補隄岸者皆為上年彙奏後續辦  
之工如涿州良鄉霸州之牯牛河良鄉之籬笆房河  
黃管屯河雅河廣陽河茨尾河清水溝並牯牛支河  
房山之順水河固安永清霸州之黃家河霸州之中  
亭河護城河併下六工圍堰永清東安武清之永定  
河越堰大興東安通州武清之鳳河上游武清天津  
之僅兒港減河南北隄天津之桃花寺北斜堰津軍  
子牙二廳屬之格淀大城之子牙隄堰保定之續估  
長隄青縣滄州之二減河吳橋之沙河漫河任邱之  
大清河馬道河大港引河雄縣之西槐支河新城之  
高橋河盧龍河併十九堡河隄清苑之府河陽城河

續行水金鑑卷九十三 運河水

五

齊賢河金線河安肅容城新安之瀑河薊州玉田寶  
坻之蘆運河薊州之洵河隄寶坻之鮑邱窩頭各河  
隄香河之百家灣河玉田豐潤之還鄉河豐潤之黑  
龍河共計土二百七十四萬一千二百三十一方需  
米二萬七千四百一十二石三斗一升銀二萬七千  
四百一十二兩三錢一分以上各工俱於汛前辦竣  
俟勘收核實造冊同上年工賑案分別報銷得

旨此係上年餘下工程固應如是辦理若別有新工當  
會同阿桂表日修妥商方不至兩相扞格此奏亦合彼  
等知之

畿輔水  
利四案

六月二十二日方觀承彙奏直屬大道溝渠田間濬

漚臣遵

旨通查節次具奏除自正定以南至磁州一路並東路之景州均照例勸用民力不入工賑其自大興宛平東至通州三河薊州豐潤玉田撫寧一路西至良鄉房山易州涿州一路西南至定興安肅清苑滿城完縣望都一路東南至新城雄縣任邱高陽河間獻縣交河阜城一路又運河大道武清天津大城靜海青縣吳橋一路共三十二州縣計土一百八十六萬九千三百三十六方需米一萬八千六百九十三石三斗六升銀一萬八千六百九十三兩三錢六分又望都修治田溝計土六萬一千二百九十六方需米六

續行水金鑑卷九十三

運河水

六

百一十一石九斗六升銀六百一十一兩九錢六分內有疊道應加夯礮溝渠應添開座等項另核歸案估報所需米石動支本處倉儲並鄰近撥用銀兩在司庫節存耗羨併三省協耗項內撥發飭各地方官興修業於四月內一律完竣察看如式如有再應增高濬深應需續辦臣與

欽差尚書阿桂侍郎裘曰修於查勘水利之次覆加籌酌另按土方定例辦理奉

硃批溝渠即河道之脈絡也應聯為一氣方得宜洩之

宜議補水利四案

是月二十三日

諭御史朱績經自天津巡漕復命奏直隸胥役斂派車船勒索賄放方觀承不能督屬鋤奸已諭令據實覆奏矣地方盡役借端派索原難保其必無惟在該管官加意稽查嚴行懲創自然斂跡方觀承在直年久每存息事寧人之見不免專務姑容朕亦不能為之諱前此辦理疏消積水不能及時業交部嚴議示懲方觀承諒當痛自悔改而言者動以為歸過之地在該督身任封疆於關係民生事務並不實力董率咎固難辭但通省事務殷繁又值災歉之後措置不無踴躍持論者置身事外坐言易而起行難使易地以處恐其所展布或未必能如該督之勉力支持也過而能改尚可冀其自新方

續行水金鑑卷九十三

運河水

九

觀承如自愧悔前非正宜稍假時日以觀後效儻其因循玩愒復蹈前轍斷不能逃朕洞鑒自必明治其罪又何能屢邀寬典乎至該御史請設專司河務大臣以資辦理之處直隸曾設立河道總督亦不過專辦永定防汛工程此外全省河渠原非所屬至營田水利工程辦理數年因南北地勢異宜亦未著有成效是以仍令直隸總督兼司河務現派尚書阿桂侍郎裘曰修往來直隸各屬會同詳勘修防濬築事宜較之設立河員與地方官立異掣肘者固屬有利無弊即嗣後遇有應行修濬之工隨時特派大臣督理察勘自足收相機集益之效該御史所奏設立專員之處著不必行

水利四

案

七月初六日方觀承覆奏上月二十八日奉到

諭旨經巡漕御史朱績經參奏直隸胥役斂派勒索

詢臣曾否確查嚴懲據實陳奏臣跪讀之下不勝惶悚

查州縣蠹役藉公派累需索實為通弊惟在地方官

查察有犯必懲庶知斂戢即州縣約束不嚴咎尚可

追儻曲加護庇如從前良鄉縣知縣李銜縱役勒索

軍戶一案經臣參革不敢姑容每於地方需用車船

批撥告誡不啻再三近日海運奉天米十一萬九千

餘石又豫省協辦米七萬石應分派各屬領回補實

倉儲又奉天黑豆五萬七千石應交通倉均須雇船

轉運有天津楊柳青船戶王天祐等五船不願領載

官糧縣役齊萬倉乘機索銀十二兩將五船賣放又

船戶楊宗民等四船憑紀化一向縣役來自寬說合

賣放言定制錢七千五百文當交五千文經該縣先

後查出稟究臣飭將該犯等柳號河干示眾再臣於

邸抄內見朱績經原奏尚有派牛馬派土方兩條民

閒耕牛官無所用惟驛遞猝遇差多馬短之時例准

雇用民馬按日開銷雇費一錢然係偶有之事至於

土方不離隄河之役就直屬隄河最善而言如千里

長隄勤運子牙豬龍等河隄向係附近村莊認定工

段責令歲修名為業隄勒碑載志裹糧從事並無違

續行水金鑑卷九三 運河水

三

言州縣之能體卹者嘗請借給口糧以資力作比因

連歉之後自正定府以北應修隄河工程仰蒙

皇上軫念照代賑之例按方給與錢米勤力者日挑上

二方或方半所獲即與方夫全價無異其懶惰者兩

日挑不及一方轉以所給錢米不敷日食遂散布浮

言指為地方官派累然亦百人中之一二人而過境

採訪者往往即據此以為指摘夫培隄濬河凡以為

村民保障田廬即其自為計亦當致力况已給有土

方半價而猶謂派累是民力竟不常用凡有與舉即

須動帑幾令通省河道之歲修皆與永定兩運相同

續行水金鑑卷九三 運河水

廿

高厚隆恩畀以封疆重寄惟有倍加省察圖報

高深再該御史所稱業經知會地方大員天津以道府

為大員臣詢問該道府等皆稱該御史並無知會應

行懲治之事奏入

命朱績經明白回奏乃三月以前已經查辦之案

上以其取巧下部察議 繳補水利四案

九月二十四日張師載崔應階奏臣等接准部咨東

省四女寺減河形勢最為得地而下游老黃河寬暢

足資容納若將四女寺壩門大加展寬則東省多減

一分直省更少受一分已於

行在

召見時而奏現在亟須辦理計須再加寬二十丈或十五丈以外其口門以下亦須一律展寬接至老黃河爲度等因臣等親赴四女寺地方會勘山壩口勘至歸入老黃河處計長四十里壩口及壩下支河俱寬十二丈自上年奏明挑浚後現今一律深通察看來源若將此處壩口及支河再爲展寬實與直東兩省有益綠衛河發源於河南蘇門山之百門泉會今大丹小丹淇湯洹等水至東省之館陶復有豫省清濁二漳全流入東北達於臨清歷程九百四十里沿途並無支河旁洩至臨清板閘又與汶水會合北流計二百四十里至四女寺始有減水壩洩水由支河入

續行水金鑑卷九十三

運河水

七

老黃河歸海查昔年清濁二漳在直隸境內原有支河分洩由威縣寧津達天津入海並非全漳歸衛近年直隸沙莊地方築壩攔截漳水分流之路是以全漳歸衛查衛河以二十餘丈之河身受直隸東三省之水而河流又復紆曲易漲難消伏秋雨水盛行各河會注衛河常至陡長丈餘東省州縣固虞衝溢直隸下游更患漲漫臣等詳加斟酌衛河正流而寬二十六丈今四女寺壩門及支河現寬十二丈若再展寬二十丈未免支河寬於正河恐致奪溜掛淤漕渠有礙雖德州哨馬營支河現寬三十丈但哨馬營壩口係在運河旁側瀉水而四女寺壩口係迎溜頂衝

是以部臣以爲形勢最爲得地實則兩處情形不同寬窄自宜酌定擬將四女寺壩門及壩下支河再行展寬十二丈共寬二十四丈較舊河加倍儘可洩漲所挑之土卽築兩岸隄堰遇伏秋盛漲先由此處掣消則德州景州以北水少勢平實與直東均益至老黃河勢雖寬大但河底平坦水難暢流是以歷年於河心挑濬子河一道現寬四五丈不等今支河展寬則老黃河中心子河亦應一律加寬方足暢入海之路謹將會勘情形奏明如蒙

續行水金鑑卷九十三

運河水

七

理奉

硃批如所議行

運冊

十月初四日大學士公傅恆等會議直隸水利河淀支派甚多若於汛前一律趕辦爲時既迫工段過繁轉恐草率且二十六七兩年雨水亦非常有至今歲各河並無漲發又未可視爲準則今遵旨分別緩急臣等詳議將近年潦水無消致有壅塞漫溢民田受患者謹擬先行辦理其餘工段統俟將來試看水勢再行具奏至兩運宣洩之路業蒙恩准於四女寺展寬已收釜底抽薪之益其直省各減河與挑處現在暫緩除另案千里長隄並海河壘道

開座工程於發存天津道庫銀二十萬兩內動用報銷外今所擬急工共約估需銀三十二萬六千五百八兩應

飭戶部撥給方觀承督率地方道府各官確核辦理以

收實效 急辦工程清單 老黃河二萬九千一百

三十一兩二錢 金沙岡五百十八兩四錢 塌河

淀七里海除葦八千二百五十兩 西隄頭引河一

萬二千一百三十六兩 晉口引河五千四百六十

五兩九錢西淀趙北口馬道大港引河察河茅兒灣

四萬三千三十一兩四錢 東淀張青口中亭河蒼

耳淀張家嘴左各莊勝勞村南引河中股開段挖淤

續行水金鑑卷九十三 運河水 甚

去葦七萬三千三百七十六兩八錢 子牙正河自

張家莊至當城止挑深開寬六萬四千九百六十九

兩一錢二分挖河之土即以培隄 閘兒莊草壩四

千九十九兩零 留兒莊石壩六千四百四十二兩

零 盤古廟以下至鮑家嘴挑淤築隄四千二百二

十一兩挑河之土即以培隄 交河吳家窪引河五

百二十三兩下游至大渡口二十二里五千八百八

十兩 保定九龍泉至依城河并大莊引河一百七

十九里四萬四千八兩 大滌淀兩溝二千二百五

十兩 雜淀去葦一千三百六十五兩 冀州老龍

亭建閘一千四百十五兩 廣平府牛尾河南岸建

開一座九百二十五兩五錢 廣平府牛尾河至大

陸澤間段酌挑一萬一千一百一兩 汶口以下濬

淤會流酌挑六百五十一兩 以上共約估銀三十

二萬六千五百八十八兩零得

旨允行 歲辦水 利四案

十二月十六日

上諭內閣崔應階奏請挑荆山橋舊河所見甚是東省

南陽昭陽徽山等湖匪為巨浸每遇水漲窪地常遭漫

淹濟寧魚臺二屬適當下游之衝田廬所關甚重前曾

續行水金鑑卷九十三 運河水 甚

特派欽差同地方大員辦理朕上次南巡復經親臨閱

視面諭河督諸臣隨宜設法籌辦但橋畔河淤日增日

積非大加興挑何以去沮却而資利導著派協辦大學

士公兆惠於明歲初春馳驛前往會同尹繼善葉存仁

崔應階相度會議奏請興工 皇帝聖訓 純

是年濬治蘇州松江太倉等屬水道江蘇巡撫莊有

恭言太湖之水由三江歸海經流蘇松太所屬之吳

江震澤十二州縣境內查吳江之十八港十七橋吳

縣之鮎魚口大缺口為湖水穿運入江要道不無淺

阻又入吳淞之龐山湖等處向稱寬闊邇來民間闢

利徧植菱菱圍築魚蕩亦多所侵占劉河形勢大非

昔比舟楫來往必艱舟待潮崑山外濠為婁江正道

淺狹特甚蘇州婁門外河為江源出運咽喉河面僅

寬三四丈不等應自運河以西凡太湖出水之口就其有港可通有橋可洩之處爲之清釐占塞務使分流迅速其運河以東吳淞江自麗山湖以下婁江自婁門以下凡有淺狹阻滯處所疏濬寬深一切植蘆插簕及冒充水面之區儘數剷除嚴爲之禁疏入得旨報可文獻皇清通考

是年方觀承奏漳河由河南臨漳入直境經廣平大名二府至山東館陶與衛河合乾隆二十六年秋汛與臨漳所屬之沙莊北岸漫溢下游成安廣平大名元城數百村莊被水成災經臣題報蒙

恩賑卹嗣臣與河南前任撫臣胡寶瑒各委道府會勘

續行水金鑑卷九十三 運河水 其

由兩省藩司公議挑淤築壩使水歸故道比因漫口在臨漳而爲患乃在直境成安等四縣士民情願捐備料物令臨漳士民亦出一段按五段均攤協力辦理工竣移咨豫撫委員會同直隸汛員駐工防守上年水由正河已屬循軌因閏五月久雨盛漲草壩被衝過溜臨漳羊羔村以上八里刷有河形過此則散漫於大名成安元城廣平各境內外水至大名復分五處旁溢山東邱縣復入直隸廣宗由鉅鹿入寧晉泊內臣委永定河同知前赴漫口詳看前工祇就正河淤處挑濬而建壩處又稍覺兜灣水勢下墜致被衝刷現在漫口溜走七分正河溜止三分應將河頭

改正百餘丈使迎溜得勢其下河身淤處挑濬北口加深約長五百丈於河頭分流處築壩長一百八十五丈高一丈截其北溢之路又於壩東接築土隄長五百丈底寬六丈高一丈攔接河灘抵正河而止估需工料銀八千餘兩據該道議稟此次不便復用民力大名道楊開鼎大名府姚立德廣平府周元理並所屬十七州縣情願公捐業於上冬購料臣於新正派永定河熟習椿埽弁兵二十二名前往關會豫省擇於開凍後興工趕辦三月內完竣尙不致有悞秋耕詎新任彰德府李詠臨漳縣張光炤忽生異論謂築壩則逆水倒灌不但臨漳城淹沒即附近村莊恐先

續行水金鑑卷九十三 運河水 其

歸烏有惟有因其自然於下游廣大所屬多開支河引入大河等語具覆大名道轉稟查臨漳逼近漳河其爲患與否惟視河流之通塞與沙莊漫口築壩全無關涉今築壩開淤使水歸正河則濁河不致分勢有緩水停沙之病兩省均有利益是以前工合辦臨漳出夫直省給值工完委員會同防汛均無異議今不過將所挑河頭移合迎溜所築之壩移近河頭與上次並無二樣何至利害頓殊蓋因該府縣皆非經辦之員又見臨漳改溜處所已成河形水有約束遂罔顧下游數邑田廬淹漫直欲以鄰爲壑耳查正河經流一百數里現在深處所議挑河濬淤工作祇五